

خزینہٴ اوراق

نومرو
۲۵

تاریخ تاسیس
۱ مایس سنہ ۱۲۹۷

جمعہ ایرتسی

عمومی اعتباریہ فنونہ دائر رسالہٴ ادبیہ در

آیدہ درت کرہ اولہرق جمعہ ایرتسی کونلری چبقار

۷

- ب انقلاب حادثاته دالدر ریب المنون
 ح فهم اولغاز نسخه اسرار قدرتدر شتون
 ب دائم اولمز «بدریا» بوکردشده چرخ دون
 ح انیده «حکمت» ایدرحکم ازل البت زبون
 تکرار مکرر

مصر قدیم پادشاهلرنندن (رامپسیدوس) ك كنچینه سنه متعلق بر وقعه غریبه

مصر قدیم تاریخه دائر موجود اولان مأخذك اس اساسی
 متقدمین مؤرخین یونانیهدن (هرودوت) نام مؤرخ مشهورك
 آثاری اولوب مصر قدیمه دائر اولان اکثر روایاتی قدیمی
 مصریونك عیلاسنندن استحصال اولغش ایسده اروپا ادبایی
 بر خیلی مدت بونك اراجیقندن عبارت اولدیغی ظننده بولغشلر
 ایدی . فقط مؤخرأ وقوعبولان آثار عتیقه مصریه کشفیاتندن
 وبعض دیکیلی طاشلرك اوزرنده کوریلان اشکال مرموزنك حل
 وقرائنندن بری مصر قدیم حقنده شمدی یه قدر استحصال
 ایدیه بیلان معلومات مؤرخ مذکورك روایتی تصدیق ایتش
 اولدیغی وجهله اکثر روایاتی تمیز تألیفات اربابی عندنده محقق
 الوقوع کبی تسلیم اولغقدده ووقعه آیدیه دخی بو نظرله باقلقدده
 اولدیغندن ترجمه سنه ابتدار اولغشدر .

مصر پادشاهلرنندن (رامپسیدوس) اهل درایت وصاحب
 طبیعت برذات اولوب مصر اقلیننه عدالت وسعادت زماننده

منتشر اولدیغندن مالک وسیعہ سنک پای تختی رواق عدیده و اینیه جسمیه ایله تزیین ایلشدی . مصر علماسنک روایتیه نظر آ خزینه سی اول درجه معمور ایدی که سلف و خلفلرندن هیچ بریسنک خزینه نرینه قیاس قابل دکلدی مالک اولدینی ثروت شمیدیکی حکمدارلرنکی کبی کاغددن عبارت اولدیغندن انجیق آلتون و ککوش کولچه لرینک محافظه سیچون سراینده بر خزینه اعمال و انشاسنی در عهده ایدن معمار خارجه کلان دیوارینه و یالکر واقف اولانلر سهولتله برندن قالدیروب ینه برینه وضع ایده بظک اوزره بر طاش وضع ایلشدی .

کنجینه مذکوره ختامنده پادشاه بحد و پایان اولان خزینه - سنی درونه وضع ایتمش ایدیه معمار حیلہ واقعه سنک کمره سنه بالذات نائل اوله مدی چونکه بر از مدتدن صکره فنا حالده خسته لند . رق حالت نزع کلدکده ایکی اوغلینی یانه چاغروب ایلروده نائل رفاه و سعادت اولملری ضمنده پادشاهک خزینه سنی بروجه مشروح نه یولده بر حیلہ ایله انشا ایتدیکنی بیاندن صکره عا . ریتہ وضع ایلدیکی طاشه دائر معلومات فنییه مدققانه اعطا ایله پادشاهک خزینه سنه مالک اوله بیله جکلرینی تأمین ایلدی مرقوم وفات ایلسی اوزرینه اوغللری وقت غائب ایتمکسزین لیل پادشاهک سراینه کیره رک دیوارک تعریف اولنان جهتی کشف ایله فنی تعلیماته تطبیقاً طاشی برندن قالدیروب خزینه یه دخول ایتدیلر برخیلی وقت رفاه حال ایله تعیشلرینه کافی اوله جق مقدار اقچه و مجوهرات اخذ ایلوب طاشی ینه برینه وضع ایله عودت ایتدیلر حسب البشریه او قدرینه قناعت ایدیه میهرکبو حال بر قاج دفعه تکرر ایلدی .

کونک برنده پادشاه کنجینه سنی آچوب اکثر صندوقلری خالی
وبعضیلرینی یاری اوله رقیره آتلاش کوردکده کنجینه نک انا-
ختارلری یدنده محفوظ اولدقدن ماعدا قیونک مهری یرنده
اولوب ال طوقونامش اولدیغدن هیچ برکسه حقنده شهیدیه
ذاهب اولمیسده فوق الغایه دوچار تلاش واضطراب اولدی
وقتاکه ایکنجی و اوچنجی دفعه معاینه سندنه ینه برحقوق نقودک
سرقت ایدلمش اولدیغنی کمال استغراب ایله کورنجه حدق درجه
نهاییه واصل اوله رق سارق اخذ و گرفت ایچون بر تیمور طو-
ناق اعالمی صورت خفیده امر وفرمان بیوردی .

طوزاقلر یایلوپ کمال مهارتله نقودی حاوی اولان صند -
قلره وضع اولندی سرائیچه مناسبت کسب ایتدکلرندن عادتلری
وجمله سارقلر کندیلرندن شبهه ایتدیرمیه رک کلوب بولردن
بری خزینهیه دخول ایله نقودی حاوی اولان صندقلردن برینک
قیاغنی قالدیرمق اوزره النی اوزاتور اوزاتمز کرفتاردام اولنجه
نه حاله دوچار اولدیغنی اکلایهرق درحال قرنداشنی یانسه
دعوتله چالیشوب چبالاندی فقط قرنداشنی نفسنی صندقدن دایما سیرلی
بولندیردیغنی ایچون طوزافده کی برآه چکهرک اشبو دامن تخلیص
کریان ایدمه جکی درمیان ایتدکدن صکره ایرتسی کون اخذو کرفت
اولنوب برلکده افنای وجود ایتملری ایچون باشنی قطع ایتمسنی
امر ایلدی قرنداشنی دخی نفسنی قورقارمق ایچون بو بولده
حرکت ایدملک لازم کلدیکنی اکلایهرق امرینه اطاعتله باشنی قطع
ایدوب مذکور طاشییرینه وضع ایله خانه سنه عودت ایلدی .
(رشید مک)

(مهران) مطبعہ سی — باب عالی جادہ سندھ نومرو ۷۷